



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

CXXVII. Markgraf Ludwig vereinigt die Pfarren zu Prizwalk, Khritz und Arneburg mit dem Domstift Stendal unter der Bedingung die Prälaturen und Präbenden des Stifts zu verleihen, am 25. Jan. 1338.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

vilegia, gracias, concessiones, libertates, emunitates et donaciones quascunque, per magnificos principes marchiones brandenburgenses predecessores nostros dilectos bone recordacionis ipsi collegio datas, concessas, data seu concessa, ex beneuolencia nostre gracie confirmare, ratificare et approbare dignaremus, humiliter supplicauit. Cuius quidem iustis et rationabilibus petitionibus iuxta vota annuimus et duximus annuendum, Ipsi capitulo et collegio predictis ob diuine remuneracionis respectum et ob singularem, quem ipsis gessimus et gerimus fauorem, confirmamus, ratificamus et approbamus omnia Jura, priuilegia, gracias, concessiones, libertates, emunitates et donaciones, per magnificos principes marchiones brandenburgenses predecessores nostros dilectos bone recordacionis, ut premittitur, eciam et nos rite datas, concessas, data seu concessa, presencium testimonio litterarum, Recipientes insuper capitulum et collegium prenominata cum rebus, bonis et pertinentiis ipsorum vniuersis in nostre, tuicionis et defensionis presidium singulare sic, quod ipsa a turbatoribus et inuasoribus illicitis pro ipsorum iure confouere volumus et efficere, prout poterimus, confoueri. In cuius rei testimonium presentes dari fecimus, sigilli nostri appensi munimine firmiter communitas. Testes vero huius sunt strenuus vir dominus Johannes de buch, capitaneus noster dilectus, Johannes Hufener camere nostre magister, ditericus de Zickowe officiatu in vranchenfurth, milites, honestus vir Gerwinus prepositus Bernowensis, capellanus noster dilectus, hasso de Wedele cum ceteris pluribus fide dignis. Datum berlin anno domini millesimo tricentesimo tricesimo septimo, tercia feria proxima post festum beati iacobi apostoli.

CXXVII. Markgraf Ludwig vereinigt die Pfarren zu Prizwall, Kyritz und Arneburg mit dem Domstift Stendal unter der Bedingung die Präbaturen und Präbenden des Stifts zu verleihen, am 25. Jan. 1338.

Lodowicus etc. Honorabilibus viris etc. preposito decano totique capitulo collegii in Stendal etc. Sane cum vos per generosum et magnificum principem bone recordacionis Albertum marchionem Brandenburgensem et per nobilem virum henricum comitem de Gardelene minus sufficienter dotati seu fundati sitis, vt verius cognouimus, occasione cuius crisi posset seruitus si non caueretur subsidioso remedio minorari, vobis presentibus et eciam succedentibus ex beniuolencia mentis nostre singulari defectum eundem ob perpetuam bone recordacionis Marchionum Brandenburgensium predecessorum nostrorum, nostri, heredum et successorum nostrorum memoriam, gracieose supplere volentes, vobis et vniuersis vestris successoribus animo deliberato maturoque prehabito consilio damus, donamus, appropriauimus et presentibus appropriamus Ecclesias parochiales ciuitatum nostrarum uidelicet prizwale, kyritz et arneburg cum singulis et vniuersis ipsarum pertinentiis, iuribus, honoribus, libertatibus, usufructibus et commodis quibuscunque ad ipsas ex debito vel ex consuetudine pertinentibus sine impedimento et inpeticione qualibet tenendas, habendas et pacifice perpetue possidendas. Confirmamus eciam approbamus et ratificamus graciā, dacionem et appropriationem rite vobis per predecessores nostros Marchiones Brandenburg. felicitis memorie ecclesie parochialis ciuitatis nostre Tangermunde et altaris sancti martini in Ecclesia collegii vestri siti factam, dummodo ipsa ecclesia vna cum altari predicto sub condicionibus Ecclesiarum superius remaneat expressarum, Renunciantes pro nobis heredibus et successoribus nostris omni accioni et iuri, quod nobis circa premissas ecclesias et ipsum altare cum ipsarum et ipsius pertinentiis hactenus competebat, id ipsum in vos et successores

vestros vniuersos omnimode et libere transferendo, tali tamen condicione interposita vel adiecta, Quod nos heredes et successores nostri habebimus et habebunt sine omni vestra contradictione et opposicione singulas et vniuersas prelaturas, dignitates et prebendas dieti uestri collegii qualitercunque nominatas, decanatu vero sub condicione prout sequitur duntaxat excepto, sue vacacionis tempore conferendi de de manu personis ydoneis porrigendi perpetue plenariam et liberam facultatem. Annimus eciam vobis ex beneficio fauoris singularis, Quod cum decanatus ecclesie vestre vacauerit, quod vniformiter vel major et sanior pars ex vobis sub iuramento super eo presuato de persona discrecioni et competenciori ecclesie infra quindene spacium videre ad nostramque presenciam deferre valeatis. Ex tunc cognita ipsius discrecione ad ipsam dignitatem decanatus cum sollempnitatibus consuetis et debitis, si que adhibende sunt, personam ad nos per vos delatam tenemur et volumus presentare. Quod si infra dictam quindenam per vos non fieret, tunc sine vestri contradictione vobis personam ydoneam ad dictum decanatum, cui obedienciam, vt moris est, facere debebitis, debemus et potuerimus pro nostre voluntatis beneplacito presentare, Transferentes eciam omnia superius expressa ad nos spectancia in nostros heredes et successores ad ipsos volumus deriuari. In cuius etc. Testes frater henricus de Zeyppingen, dominus Jo. de buch, henricus de Ryfchach, beringerus heylo, bombrecht pineerna, cum ceteris datum frankinuurth, Anno domini M^o. CCC^o. XXXVIII^o, in die conuersionis sancti pauli.

Nach dem Copialbuche der Vogtei Arneburg Nr. LXVIII.

CXXVIII. Bischof Albert von Halberstadt nimmt das Domstift Stendal in seinen Schutz, am 3. April und 26. Mai 1338.

Nos Albertus, dei gratia halberstadenſis ecclesie Episcopus, Notum facimus, — quod in nostra presentia constituti honorabiles viri Conradus prepositus et fredericus decanus Ecclesie Stendalgenſis, nomine suo et ecclesie Sue, quedam priuilegia exemptionum et libertatum per felicis recordationis Clementem, Celestinum, Honorium et alium Clementem quondam Romanos pontifices ipsis et Ecclesie sue necnon omnibus Ecclesiis suis in opido Stendalgenſi de gratia Speciali concessa produxerunt et legi fecerunt humiliter supplicantes, Quatenus ipsos clericos et Ecclesias suas in Iuribus libertatibus atque exemptionibus suis secundum formam dictorum priuilegiorum ob reuerentiam Sedis apostolice dignaremur benigniter conseruare ac tueri. Unde visis et examinatis diligenter eisdem in singulis suis Capitulis, dictorum dominorum Supplicationibus iustis inclinatis, prefata priuilegia iuxta suas tenores atque formas promittimus fideliter obseruare dictosque dominos et Ecclesias suas in singulis suis libertatibus, iuribus et exemptionibus diligentius conseruare et ab ipsorum injuriatoribus et inuasiuibus iuxta posse nostrum auctoritate nostra ordinaria per censuram Ecclesiasticam aut quouis alio modo, dum requisiti fuerimus ab eisdem dominis Canonicis ecclesie stendalgenſis, liberaliter defendere ac conseruare, diuine remunerationis intuitu et prefate Sedis ob respectum, cui in singulis obsequi volumus, vt tenemur, suisque sacris iussionibus, beneplacitis et statutis humiliter obedire. Datum langensteyn, anno domini M^o. CCC^o. XXX^o. octauo, In crastino beati vrbani pape et martiris.

Ein zweites in demselben Archive befindliches Original stimmt bis auf die Schlußworte: In crastino Beati vrbani Episcopi et martiris wörtlich überein. Der Tag Vrbani Episcopi war der 2. April.